



**ՔԱՂԱՔԱՑԻԱԿԱՆ ԾԱՌԱՅՈՒԹՅԱՆ ՊԱՇՏՈՆԻ ԱՆՁՆԱԳԻՐ  
 ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ ԱՆԱՍՆԱԲՈՒԾՈՒԹՅԱՆ ՎԱՐՉՈՒԹՅԱՆ  
 ԶԿՆԱԲՈՒԾՈՒԹՅԱՆ ԵՎ ՄԵՂՎԱԲՈՒԾՈՒԹՅԱՆ ԲԱԺՆԻ ԳԼԽԱՎՈՐ  
 ՄԱՍՆԱԳԵՏ**

**1. Ընդհանուր դրույթներ**

**1.1. Պաշտոնի անվանումը, ծածկագիրը**

Էկոնոմիկայի նախարարության (այսուհետ՝ Նախարարություն) անասնաբուծության վարչության ձկնաբուծության և մեղվաբուծության բաժնի (այսուհետ՝ Բաժին) գլխավոր մասնագետ (ծածկագիրը՝ 23-32.15-Մ2-3)

**1.2. Ենթակա և հաշվետու է**

Բաժնի գլխավոր մասնագետն անմիջական ենթակա և հաշվետու է Բաժնի պետին:

**1.3. Փոխարինող պաշտոնի կամ պաշտոնների անվանումները**

Բաժնի գլխավոր մասնագետի բացակայության դեպքում նրան փոխարինում է Բաժնի պետը կամ ավագ մասնագետը:

**1.4. Աշխատավայրը**

Հայաստան, ք. Երևան, Կենտրոն վարչական շրջան, Միեր Մկրտչյան 5

**2. Պաշտոնի բնութագիր**

**2.1. Աշխատանքի բնույթը, իրավունքները, պարտականությունները**

- իրականացնում է ձկնաբուծության և մեղվաբուծության իրավիճակի վերլուծությունների իրականացման, խնդիրների վերհանման, գնահատման ու կանխատեսումների իրականացման, դրանց արդյունքների հիման վրա առաջարկությունների ներկայացման, զարգացմանն ուղղված ծրագրերի ու միջոցառումների մշակման և իրականացման ընթացքի ուսումնասիրման աշխատանքները,
- իրականացնում է վարչության գործառույթներից և խնդիրներից բխող իրավական ակտերի նախագծերի, առաջարկությունների, եզրակացությունների, այլ փաստաթղթերի նախապատրաստման, ինչպես նաև աշխատանքային ծրագրով նախատեսված միջոցառումների աշխատանքները,
- իրականացնում է ձկնաբուծության և մեղվաբուծության ոլորտներում ձեռնարկատիրական գործունեության զարգացմանը նպաստող նոր տեխնոլոգիաների ներդրմանն աջակցության տրամադրման աշխատանքները,
- իրականացնում է ձկնաբուծության և մեղվաբուծության ոլորտներում գործունեություն իրականացնող սուբյեկտներին աջակցության ծրագրերի մշակման և իրականացվող ծրագրերի ընթացքի ուսումնասիրման աշխատանքները,
- իրականացնում է ձկնաբուծությամբ և մեղվաբուծությամբ զբաղվող առևտրային կազմակերպություններին և գյուղացիական տնտեսություններին մասնագիտական խորհրդատվության տրամադրման աշխատանքները,
- իրականացնում է հանրապետությունում անասնաբուծական մթերքների և ձկան արտադրության ծավալների կանխատեսման, փաստացի տվյալների վերլուծման աշխատանքները.

- իրականացնում է ձկնաբուծության և մեղվաբուծության ոլորտների ծրագրերի մոնիթորինգի և գնահատման համար անհրաժեշտ տվյալների հավաքման և մշակման նպատակով ուղեցույցների կազմման և մեթոդական աջակցության տրամադրման աշխատանքները,
- իրականացնում է այլ գերատեսչությունների կողմից մշակված ձկնաբուծության և մեղվաբուծության բնագավառներին առնչվող իրավական ակտերի, ծրագրերի, հայեցակարգերի, տեխնիկական կանոնակարգերի և ստանդարտների նախագծերի ուսումնասիրման աշխատանքները:

### **Իրավունքները՝**

- ստանալ ձկնաբուծության և մեղվաբուծության իրավիճակի վերլուծությունների համար անհրաժեշտ տվյալներ.
- ստանալ կարծիքներ և առաջարկություններ Բաժնի գործառույթներից և խնդիրներից բխող իրավական ակտերի նախագծերի, առաջարկությունների, եզրակացությունների, այլ փաստաթղթերի, աշխատանքային ծրագրով նախատեսված միջոցառումների մշակման համար.
- ստանալ տեղեկատվություն՝ ձկնաբուծական և մեղվաբուծական արտադրանքի վերամշակման համար անհրաժեշտ արդյունավետ տեխնոլոգիաների ներդրման, ինչպես նաև ոլորտներում գործունեություն իրականացնող սուբյեկտներին աջակցության ծրագրերի, դրանց ընթացքի վերաբերյալ,
- ոլորտում գործունեություն իրականացնող տնտեսվարող սուբյեկտներից ստանալ տեղեկատվություն և տվյալներ՝ ձկնաբուծության և մեղվաբուծության ոլորտներում ձեռնարկատիրական գործունեության զարգացմանը նպաստող, ինչպես նաև վերամշակման, պահածոյացման համար առավել նպատակահարմար (հարմարեցված) ձկան, խեցգետնի, փափկամորթների բուծման, մեղվաբուծական արտադրանքի արտադրության կազմակերպման և նոր տեխնոլոգիաների ներդրման հնարավորությունների մասին,
- ոլորտում գործունեություն իրականացնող տնտեսվարող սուբյեկտներից ստանալ տեղեկատվություն և տվյալներ ձկնաբուծության և մեղվաբուծության ոլորտներում ձեռնարկատիրական գործունեության զարգացմանը նպաստող նոր տեխնոլոգիաների ներդրման հնարավորությունների մասին,
- ստանալ համապատասխան տեղեկատվություն ձկնաբուծությամբ և մեղվաբուծությամբ զբաղվող առևտրային կազմակերպությունների և գյուղացիական տնտեսությունների մասով թվաքանակի կամ այլ տվյալների վերաբերյալ.
- ստանալ հանրապետությունում ձկան արտադրության ծավալների վերաբերյալ փաստացի տվյալներ,
- համագործակցել պետական և տեղական ինքնակառավարման մարմինների ոլորտը համակարգող ստորաբաժանումների և ոլորտում գործունեություն ծավալող տնտեսվարող սուբյեկտների հետ,
- մասնակցել տեղական և արտասահմանյան պետական մարմիններում և կազմակերպություններում ձկնաբուծության և մեղվաբուծության ոլորտներին վերաբերող հարցերի քննարկմանը:

### **Պարտականությունները՝**

- ձկնաբուծության և մեղվաբուծության իրավիճակի տվյալների ամփոփ տեղեկանքների

հիման վրա կատարել վերլուծություններ, գնահատումներ ու կանխատեսումներ, մշակել ոլորտի զարգացմանն ուղղված ծրագրեր ու միջոցառումներ,

- նախապատրաստել Վարչության գործառույթներից և խնդիրներից բխող իրավական ակտերի նախագծեր, առաջարկություններ, եզրակացություններ, այլ փաստաթղթեր, կատարել աշխատանքային ծրագրով նախատեսված միջոցառումների կազմակերպման աշխատանքներ,
- վերլուծել ձկնաբուծական և մեղվաբուծական արտադրանքի վերամշակման համար անհրաժեշտ արդյունավետ տեխնոլոգիաների ներդրման, ինչպես նաև ոլորտներում գործունեություն իրականացնող սուբյեկտներին աջակցության ծրագրերի, դրանց ընթացքի վերաբերյալ տեղեկատվությունը և ներկայացնել առաջարկություն,
- ուսումնասիրել ոլորտում գործունեություն իրականացնող տնտեսվարող սուբյեկտների կողմից ձկնաբուծության և մեղվաբուծության ոլորտներում ձեռնարկատիրական գործունեության զարգացմանը նպաստող, ինչպես նաև վերամշակման, պահածոյացման համար առավել նպատակահարմար (հարմարեցված) ձկան, խեցգետնի, փափկամորթների բուծման, մեղվաբուծական արտադրանքի արտադրության կազմակերպման և նոր տեխնոլոգիաների ներդրման հնարավորությունների մասին տեղեկատվությունը, վերլուծել և ներկայացնել առաջարկություն,
- ուսումնասիրել ձկնաբուծական և մեղվաբուծական տնտեսությունների վերաբերյալ ստացված տվյալները, կատարել վերլուծություններ, ներկայացնել առաջարկություններ ծառայած խնդիրների լուծման նպատակով.
- մշակել ձկնաբուծության և մեղվաբուծության ոլորտներում գործունեություն իրականացնող սուբյեկտներին աջակցության ծրագրեր, ուսումնասիրել իրականացվող ծրագրերի ընթացքի վերաբերյալ և ներկայացնել ամփոփ տեղեկատվություն,
- ուսումնասիրել ձկնաբուծությամբ և մեղվաբուծությամբ զբաղվող առևտրային կազմակերպություններին և գյուղացիական տնտեսություններին մասով ստացված տվյալները, տրամադրել համապատասխան մասնագիտական խորհրդատվություն.
- ուսումնասիրել հանրապետությունում ձկան արտադրության ծավալների վերաբերյալ փաստացի տվյալները, կատարել կանխատեսումներ, նախապատրաստել Հայաստանի Հանրապետության վիճակագրական կոմիտե եռամսյակային պարբերականությամբ ներկայացվող ամփոփ տեղեկագրերը,
- ձկնաբուծության և մեղվաբուծության ոլորտների ծրագրերի մոնիթորինգի և գնահատման համար անհրաժեշտ տվյալների հիման վրա կազմել ուղեցույցներ, տրամադրել մեթոդական աջակցություն, մասնակցել ընթացիկ դիտանցումներին:

### 3. Պաշտոնին ներկայացվող պահանջներ

#### 3.1. Կրթություն, որակավորման աստիճանը

1	Ուղղություն	Գյուղատնտեսություն, անտառային տնտեսություն, ձկնային տնտեսություն և անասնաբուծություն	
2	Ոլորտ	Գյուղատնտեսական գիտություններ	Անասնաբուծություն
3	Ենթաօլորտ	Ագրոնոմիա և անասնաբուծություն	Անասնաբուծություն
4	Մասնագիտություն	Անասնաբուծություն	Անասնաբուծություն

### **3.2. Մասնագիտական գիտելիքները**

Ունի գործառույթների իրականացման համար անհրաժեշտ գիտելիքներ

### **3.3. Աշխատանքային ստաժ, աշխատանքի բնագավառում փորձը**

Հանրային ծառայության առնվազն երկու տարվա ստաժ կամ երեք տարվա մասնագիտական աշխատանքային ստաժ կամ գյուղատնտեսության բնագավառում՝ երեք տարվա աշխատանքային ստաժ:

### **3.4. Անհրաժեշտ կոմպետենցիաներ**

#### **Ընդհանրական կոմպետենցիաներ՝**

1. Ծրագրերի մշակում
2. Խնդրի լուծում
3. Հաշվետվությունների մշակում
4. Տեղեկատվության հավաքագրում, վերլուծություն
5. Բարեվարքություն

#### **Ընտրանքային կոմպետենցիաներ՝**

1. Ժամանակի կառավարում
2. Բանակցությունների վարում
3. Փաստաթղթերի նախապատրաստում

## **4. Կազմակերպական շրջանակ**

### **4.1. Աշխատանքի կազմակերպման և ղեկավարման պատասխանատվությունը**

Պատասխանատու է կառուցվածքային ստորաբաժանման աշխատանքների բնույթով պայմանավորված մասնագիտական գործունեության անմիջական արդյունքի համար:

### **4.2. Որոշումներ կայացնելու լիազորությունները**

Կայացնում է որոշումներ աշխատանքների իրականացման բնույթով պայմանավորված մասնագիտական եզրակացությունների տրամադրման և ՀՀ օրենսդրությամբ նախատեսված դեպքերում որոշումների կայացման շրջանակներում:

### **4.3. Գործունեության ազդեցությունը**

Ունի տվյալ մարմնի նպատակների և խնդիրների իրականացման արդյունքների ապահովման մասնագիտական գործունեություն որոշակի ոլորտին վերաբերող համապետական ազդեցություն:

### **4.4. Շփումները և ներկայացուցչությունը**

Իր իրավասությունների շրջանակներում շփվում և որպես ներկայացուցիչ հանդես է գալիս տվյալ մարմնի ներսում այլ կառուցվածքային ստորաբաժանումների, այլ մարմինների ներկայացուցիչների հետ, հանդես է գալիս պետական մարմինների և միջազգային կազմակերպությունների ներկայացուցիչների մասնակցությամբ ձևավորված աշխատանքային խմբերում:

### **4.5. Խնդիրների բարդությունը և դրանց լուծումը**

Իր լիազորությունների շրջանակներում բացահայտում է մասնագիտական խնդիրներ և այդ խնդիրներին տալիս է մասնագիտական լուծումներ և մասնակցում է կառուցվածքային ստորաբաժանման առջև դրված խնդիրների լուծմանը: